

“Spectrum” čak nudi da besplatno izvrši aerosnimanje i obradu svih starih podataka i da napravi katalog potencijalnih nalazišta u FBiH.

Velike kompanije iz Velike Britanije, Francuske i Australije, iskazali su interes u vidu pisama namjere za dodjelu koncesije za istraživanje nafte i plina na području Federacije BiH, saznaje “Avaz”. Riječ je o britanskom “Spectrumu”, francuskoj kompaniji “Total” te australskom “Key Petroleumu”.

Kako saznajemo razlog za veliku zainteresovanost kompanija, od kojih su neke od njih poput “Spectruma”, vršile istraživanje nafte u susjednoj Hrvatskoj na Jadranskom moru, predstavljaju očita potencijalna nalazišta ovog energenta na području FBiH. Naime, odustajanjem naftnog giganta “Shella” od projekta istraživanja potencijalnih nalazišta nafte i plina na području FBiH najavljeno je da će raspisati novi poziv, što je i učinjeno, a Ministarstvo energije, industrije i rudarstva FBiH s ministrom Nerminom Džindićem (SBB) na čelu uradilo je odgovarajuće izmjene zakona koje je u međuvremenu potvrdio i Federelani parlament.

Takođe, pokrenuli smo proceduru izrade energetske strategije, anagažirali ugledni Institut “Hrvoje Požar” iz Zagreba koji je izradio strategiju u RS. Obavili smo značajne razgovore s profesorom Matom Granićem, koji je bio zamjenik nekadašnjeg hrvatskog premijera Ivica Račana. Cilj je i da se izradi državna strategija kazao nam je federalni ministar Nermin Džindić.

Ministar Džindić potvrdio je ova “Avazova” saznanja kazavši da je izmjenama Zakona o istraživanju nafte pojednostavljena procedura koja tretira privlačenje investitora. U međuvremenu, potvrdio nam je ministar, održani su ozbiljni sastanci sa predstavnicima svjetskih kompanija. On nam je potvrdio da je australska naftna kompanija “Key Petroleum” 11.decembra poslala pismo namjere u kojem ih informira da je zainteresovana za pregovore sa vlastima FBiH o dodjeli koncesije za istraživanje nafte i plina.

Od njih smo dobili pismo namjere, dali su neke svoje uvjete, mi smo ponudili svoje.

Kompanija “Spectrum” čak nudi da besplatno izvrši aerosinimanje i obradu svih starih podataka i da napravi katalog potencijalnih nalazišta u FBiH koje bi prezentirali na svim velikim skupovima - kazao je Džindić.

Ocijenio je da je Federacija za tri mjeseca dobila veoma značajna pisma namjere, a svako od njih zaslužuje veliku pažnju.

izvor: biznis.ba